

清夢外史叢書

卷一百一十二

弟
八
十
七
冊

清季外交史料

附索引及西巡大事記



中華民國二十一年一月

總發行 王希隱

北平迺茲府關東甸七號

版權所有 翻印必究

清季外交史料卷一百七十一

光緒二十九年四月下

目錄

盛京將軍增祺等致外部請商俄使勿在中韓邊境招匪爲兵電四

月初六日

署川督岑春煊致外部英人欲進藏通商請飭駐藏大臣妥籌善策

電初六日

使俄胡惟德致外部俄使擅索七款請鈔示並堅拒電

初六日

鄂督張之洞致外部銷場稅宜先從輕以後酌加電

初七日

鄂督張之洞致外部俄人要我東省不許添口岸斷不可允電

初八日

使俄胡惟德致外部遵催俄外部照約撤兵據云已授雷使訓條電

初九日

直督袁世凱致外部賠款還金還銀關繫甚鉅請調伍大臣赴京切

商各國電

初九日

呂海寰伍廷芳致外部東三省開埠應由中國自辦希告美使電

初

十日

鄂督張之洞致外部美約十六款太老辣請呂伍相機辯論電

十二日

呂海寰伍廷芳致外部美使謂俄不阻開東省口岸電

十四日

直督袁世凱致外部東省口岸請先詢俄美再宣諭自開電

十四日

桂撫王之春致外部法請船隻經過中國河流則我船經越亦應照

辦電

十六日

呂海寰伍廷芳致外部擬乘東省開口邀美使向俄調停交地電十

八日

直督袁世凱致外部美允加足十二五而要裁常關恐激生事端請

通盤籌畫電十八日

鄂督張之洞致外部及呂盛伍三使美約勿遽定議電二十日

呂海寰伍廷芳致外部美因加稅請裁常關意甚決電二十三日

署鄂督端方致外部德商請在襄河口設立躉船萬難照准祈力持

電二件二十三日

鐵路督辦盛宣懷致外部湘鄂鐵路廢約籌擬辦法電二十六日

湘撫趙爾巽致外部湘紳請電盛宣懷駁詰美公司將合同私售比

國電二十六日

直督袁世凱致外部英使竟云開平礦局已出賣並各國認秦皇島爲英有已嚴駁請力拒電二十七日

呂海寰伍廷芳致外部美使堅執裁常關始加稅之說請商戶部迅示電二十七日

盛京將軍增祺致外部俄人所稱復州煤窰拿人案情節支離已確查電二十七日

呂海寰盛宣懷致外部葡人海約另議分關緝私應否敘入請核示電二件二十七日

鐵路督辦盛宣懷致外部錢錦孫請辦滬杭鐵路已咨駁電二十九日

清季外交史料卷一百七十一

男希隱亮編

黃巖弢夫王彥威輯

孫孝章敬立校

盛京將軍增祺等致外部請商俄使勿在中韓邊境招

匪爲兵電

准駐韓許大臣咨稱三月二十七日接韓外部照稱奉省有匪徒三十餘名恃符俄人希圖過江侵伐白馬止城樹木請飭安東縣官將該匪徒勦滅勿令過江請飭查酌辦即賜示覆等因查俄員招匪一事前准貴部所覆篠電俄隊既係赴韓勢難堵遏當經飛飭東邊袁道遵辦迭

據該道電稟以大局攸關請密達貴部務與俄使商阻並經祺等面詢廓米薩爾及俄員馬大力多夫究竟招兵若干開往何處先稱以一百駐省爲親軍另招五百分往韓國土們江護木繼又稱赴安東縣大東溝反復窮詰始終含混其詞今許大臣來咨事關兩國邊境稍有誤會所關匪輕祈速示爲盼四月初六日

署川督岑春煊致外部英人欲進藏通商請飭駐藏大

臣妥籌善策電

打箭鑪廳稟得藏信印族將珍禽怪獸使人來送達賴藉此進關受以禮論不受以兵要非開關不可番僧毫不介意無論如何開導只以謠言推之又信彼族在哲孟雄籌運軍火軍餉恐有不善川藏相連有聞

再陳等情查川藏過遠裕大臣等久無函牘惟聞英人欲進藏通商英堅銳藏頑梗釁端屢見深爲可慮除將鑪電咨藏外並令鑪廳隨時探報應請轉飭駐藏大臣妥籌善策又昨接英總領事謝立山函稱上海新聞報紙載有駐藏大臣與俄人在喇薩城議定俄藏開礦專約八條恐非無因詢問虛實等語此言適在此際疑印族之事彼已知之而故藉詞以反挑之究不知所說有無實際當覆英領以報紙難憑可不必信云四月初六日

使俄胡惟德致外部俄使擅索七款請鈔示並堅拒電歌電悉雷使稱二十九尙無柏使覆電不言會議情形但云柏使照會或措詞不甚合宜伊係議約原人到京必可妥商字句不難斟酌伊日

內見俄主即起程外部謂兩處商議頭緒愈繁竟不願談論蓋慮條款漏洩致他國詰問伊告他使謂報傳語多失實應商細節統由柏使商議伊並不知其詳各該使中有疑報傳七條爲不確者美使竟疑柏使擅索竊以俄此舉意在嘗試爲得尺得寸之計務祈堅持七條原文希撮要密示又俄謂盛京兵已撤營口僅留百餘名何處未撤乞示餘俟

晤外部續電 四月初六日

鄂督張之洞致外部銷場稅宜先從輕以後酌加電

津江電論銷場稅事具悉臚覆如下一日查第八節祇應報明常關以便徵收銷場稅一語係防掛洋旗民船裝載土貨到通商口岸只報洋關不報常關不知照銷場稅局去年商約原議並非令常關代收銷場

稅也本款第十節卽云由各省督撫自行在海關人員中選定一人或數人商明總稅務司監察銷場稅云云明是銷場稅係由各督撫自辦其所選之海關人員不過監察而已監察兩字係洞與馬凱面加推敲許久而後定專爲別於管理徵收字樣也且監察洋員須選定其非專用本關稅司可知蓋進口洋貨出口土貨與各國有關故須立約彼此允肯其中國內地銷售貨物與各國無涉國家徵收此項貨稅只須與進口洋貨出口土貨無礙卽與地丁錢糧一律他國不能干預故敝處力爭留此自主之權將來自行另設稅局乃一定辦法斷不可歸常關由稅司代收此條乃馬凱在鄂洞與之面談力爭定議者故知之甚悉二曰敝處效電原文係不拘輪船民船鐵路陸路運來登岸云云正與

第八節無論帆船民船輪船云云同意並非不准想係電碼錯誤三曰約內云不得在租界內徵收此次效電本意係言無論將來是否在租界內外銷售於到岸報常關之時即可徵收銷場稅漏未詳敘茲再聲明查馬使所以不願在租界內徵收者係因恐我派丁役入界內查搜騷擾然若全免界內銷場稅以後租界日擴所失太鉅故敝處此次效電所擬辦法欲凡土貨到通商口岸於未入租界之先無論租界內外銷售令其報明稅局徵收銷場稅藉挽利權但將來刊布章程只可渾言凡屬土貨到通商口岸必須先行報明稅局方能登岸不宜提明租界內外字樣若一語說破彼必不願四曰效電大幫銷售貨物必須運到大鎮大市等語必須者猶言必係如此也此語係發明小村小鄉不

必開設稅局之意蓋小村小鄉不能銷大幫貨商人若欲銷售自必須運到大鎮大市有局之處故下文云無虞偷漏而小村小鄉可不設局矣非欲強令商人必運至某處也尊處殆誤解必須語氣五曰洋貨給單一層敝處因白糖明係土貨然由汕頭運來近日華商倩洋商出頭領事稅司皆助洋商指爲洋貨湖北現深受其累此外土貨將來恐亦難免故不無阻慮特聲明必須真正洋貨方能給單以免影射假如本係土貨若洋商華商串通指爲洋貨即令其照真正洋貨納足十二五方能給單耳六曰銷場稅則敝處效電本云不宜過重平常百貨值百先抽二三貧民日用所需值百止抽一二云云猶言或值百抽二或值百抽三也未言值百抽十三之多十字係二字之誤豈有土貨已完過

初次常關二五出口稅五復進口二五之後復徵其銷場稅十三者乎
豈非值百抽二十三乎總之銷場稅開辦宜先從輕以後儘可酌加既
免土貨偏枯洋貨擅利且免洋人饒舌耳

四月初七日

鄂督張之洞致外部俄人要我東省不許添口岸斷不 可允電

滬江支電津江電均悉此時俄未交還東省我尙無權添開口岸固不
可遽然明許他國然俄人要我東省不許添口岸是東三省利益永爲
俄獨佔各國必不甘心美日已有明言英國必更不肯旁觀是俄人所
請尤斷不可允慰帥電謂宜堅拒極是蓋俄人不肯退兵尙冀各國助
我理論儻遽徇俄請各國定然紛紛詰責效尤要挾各擇便利必致俄

人袖手我獨受害不可不慎也俄人情形外間不知其詳慰帥既有俄請不許添開口岸之說當必確有所聞務祈慎重熟慮爲禱聞英領事言俄尙未照約交還牛莊日領事言俄移紫鐵路鳳凰城一帶之兵甚多竊謂此時宜趁美日索開東三省之便即懇美日英三國代我勸俄照約按期退兵還地東三省旣還口岸如何開法自易酌辦

四月初八日

使俄胡惟德致外部遵催俄外部照約撤兵據云已授

雷使訓條電

陽電悉七條與報傳大致相符而俄報方辯其不實僅認防疫添線爲應辦事宜又餘款係中俄密商事與他國不涉疑是政府授意昨遵歌電切催照約撤兵外部云已授雷使詳細訓條仍不願商議雷定十二

陸行竊以七條俄利於密若事至喫緊恐不能不密告美日友好等國
暗爲牽制聞美使已詢俄外部英日使因美已詰問暫不發作法德袒
俄難爲我用防疫可仿通章自行速辦添線難允或酌減電價彼此一
律藉以抵制統候裁核

四月初九日

直督袁世凱致外部賠款還金還銀關繁甚鉅請調伍 大臣赴京切商各國電

各國零票必須與公約及總票相符乃可簽字自爲一定辦法應由滬
道按公約總票文義自擬合式票稿分送銀行催其遵約照繕不必專
候各國催我簽字或由滬道詳送票稿請大部照催各國公使轉飭速
繕尤可自佔地步至還金還銀關繫甚鉅亟須統籌早定以維全局鄙

見仍宜請旨調伍大臣迅即赴京秉承大部切商各國籌定折中辦法
庶免各國協謀定計使我無可措手是否有當祈大部鈞裁

四月初九日

呂海寰伍廷芳致外部東三省開埠應由中國自辦希

告美使電

虞遇電悉滬江電係美使索開盛京省城及大東溝口岸堅請入約並
言刻下時局緊要美廷不欲東三省爲他國一國獨佔等語不知電局
何以落去廿六字現已飭查昨奉外務部歌電云俄索七款內有中國
不得在東三省開新埠之條當經本部駁覆昨柏使復申前說當告以
將來商務興旺由中國自行酌辦現東三省俄軍尙未全撤若將開埠
列入美日商約恐投其所忌更生枝節希切告美使東三省開埠一事